

西古城戰國時魏惠王所築秦攻魏引河水灌城而拔之有通濟渠

隋煬帝開引黃河水以通江淮漕運兼引汴水即浪洹渠也浪洹與蕞蕩同

宣武軍節度屬河南道領縣六開封 陳留 雍丘 封丘 封氏梁都之升為開

封府以滑州之酸棗長垣鄭州之中年陽武宋州之襄邑曹州之戴

邑許州之扶溝隰陵陳州之太康九縣來屬號東都後唐為汴州宣

武軍罷東都以酸棗中牟襄邑隰陵太康五縣屬諸州晉復為開封

府號東京以五縣還隸焉宋因之又置東明咸平二縣宋梁置建昌

宮晉為大寧宮皆因舊牙署改名而已周世宗雖加營繕猶未合古

制宋建隆三年廣皇城之東北隅命有司畫洛陽宮殿按圖以脩之

自是皇居壯麗矣崇寧四年以襄邑縣建拱州靖康元年金入寇十

一月陷京師建炎元年高宗即位于南京命宗澤留守京師二年澤

薨命杜充上官悟相繼留守四年二月卒陷于金紹興二年逆豫僭

號遷于汴九年金廢豫以河南來歸十年叛盟入寇復取之完顏亮